

Filimon

¹ Ẹta, Yesu Kerisoné ala yó mótu beteremótei, *dipula* beteró betere whi Pol, dané no Timoti damo wusuró bitu dapó. Ita, da fea betá kutó ditere whi Filimon-paae dapó.

²⁻³ Dané ne Apiapaaekélé, da Kótóné alamó betámó bóe beleraterere whi Artipus-paaekélé, Filimon naao bepaae tourale wua du betere Keriso so whi feapaaekélé, dané Aya Kótóró Tale Yesu Kerisotamoné hãle hamokoróló tao sere ala wisiró hosaa muni deyóló mo dua betere alatamo diã tuámó mulópóló yae.

Talepaae mo kée yóló moma yale fo

⁴⁻⁵ Ẹ teteróló kaae tare Kótópaae momaterere sukamó ya kisipa yó taru, Talepaae mo kée fo du beterapó. Ti noatepa meipó. So whi feané yaãta, Tale Yesu Kerisopaae kisipa tiki tiró betóo, Kótóné wisiróló kae beteró betere so whi feapaaekélé yaala sókó fóo, du beterapó deté fole fo yaãlo wosetereteiné dapó.

⁶ Naao tué tiki tiraterere ala mepaae so whipaae yó materetei atima tuámó mo du oleyópóló yaãlo ya momarótu beterapó. Atétu, Keriso tuámó mole wisi wisi ala fea dané sóró tarapóló mo diriyóló tué yaalopó.

⁷ No-ó, Kótóné wisiróló kae beteró betere so whipaae naao wisi ala erótu betaleteiné, atimané kisipa felérótua yalepó. Naao atéro yaala sókó fole alané yaãlo hosaa diriróló, ẹ mo doa hajiné sukunótua yalepó.

Pol-né Onesimas wisiyóló dape sópóló yale fo

⁸⁻¹⁰ Táyalepóló, dāmo Keriso tuāmó bituraalu, yaḷo yaḷapaae i ala yae yóló halaainé enépatēi, taaróló yaala sókó fole ala betené yaḷapaae dua woseratapó. Ẽta Pol-né dapó. Ẽ otere yóló bitiré fóo, miókélé Yesu Kerisoné ala erótu beteremó *dipula* sóró beteró betóo iruraalu, yaḷo naale Onesimas-mó kisipa mutu woseratapó. Ẽta, mo dirii képiné dokóló *dipula* betepa, ą yaḷo naale aleyóló beterepó.

¹¹ Take bitiré wouraalu, ama ya fasóló naao erae dere ala fea ama wisiyóló eréni, haḷe hōko beterepó. Atéyaletei, mió dāmo wusuróné dere fo wosóló, dāmo aḷmó sukóló bituraalu, erae dere ala fea ama sūmó eranérapó.

¹² Ti ąta, mo yaḷo hosaa mole naaletei, ya beterepaae wópóló momó dotonatapó.

¹³ Yesuné fo wisi yó mótu betalemó, *dipula* bemó dirii képiné dokóló beteró betepa, naao ę tao su betere kaae, ya betere sirimó ą bituraalu, ę tao sópóló ętamo betaai kisipa mualetei taaróló ya beterepaae dotonatapó.

¹⁴ Atéró ą ętamo bituątei, naao ai ala yae dere fo woseniruraalu, ą yaḷo tanénipó. Naao ąpaae eraaire ala yaḷo ya sęrateremó ini, naao kōleaané ąpaae hosaa muóló wisi ala eraasepóló, naao naase tuą i mulatere ape.

¹⁵ Kale sekę ą yaḷtamo betaletei, ya taaróló kae bitį fele beteta, ti take yaḷtamo betāmó mo titóró beterópóló, kapala asiri kae beterótu yalepó.

¹⁶ I sekęta naao kutó diratere whį betepatei, ai tómó mió naao hosaa turó mole nopóló wisiyóló

dape sae. Ti noatepae, ʔta mo whikélé betoo, Keriso nokélé betoo ereteiné ʔ mo yaʔo hosaa mole notóro beteropó. Téreteiné naao ʔ kilituraalu, ʔpaae hosaa mo turó mulaalo ai ape.

¹⁷ Atérené naaotamo ɗamo Kótóné alamó beta kutó ditere whipóló kisipa mutupa, ti naao ʔ wisiyóló dape saai yale su ʔ wisiyóló dape sae.

¹⁸ I sekénétamo me dowi ala ó naao ɔlakó ɔlémi sale kwia mupa, ti yaʔotei tokó melaalopa, ʔpaae yae.

¹⁹ ʔta, Pol-né mo yaʔo naasenétei i aseɗ dapa kelae. Ai kale kwia yaʔotei melaalo ai ape. Ti yaʔa betere beteta, naaotei tué muae. Yaʔo yaʔpaae erale ala eróluameisóro, ti yaʔa atéro bituameipó. Atéyale alané yaʔpaae kwia mupa haʔkearóló uʔtei, me ɔla meipóló taalatapó.

²⁰ No-ó, ɗamo wusuró Talené ala tuamó bituraalu, yaʔo enée yóló mutere kisipa mió naaomo ʔpaae eraasepólópó. Atétepa, ti ɗamo Yesu Keriso tuamó bitu, yaʔo kisipa tiki felératere ala yaalo ai ape.

²¹ Yaʔo dere fo naao mo wosóló eraalopóló kisipa muturaalu, yaʔpaae i aseɗere ape. Ti noatepa meipó. Yaʔo i eraasepé dere fo naao mo wosóló eróturaalu, naaomo tómó beleróló eraalopóló kisipa mutapó.

²² Téró, fo meta i ape. ʔta waalopa, fiyaaire tiki beta donoróló mulae. Ti noatepae, naao Talepaae momayale ala Kótóné wosóló, take ɗamo wusuró betaámó bitu yale kaae, miókélé atéro betaámó betaai kisipa mutapó.

²³ Yesu Kerisoné ala erótu betepa, ʔtamo betaámó *dipula* sóro beteró betere whi Epapas-nékélé

yapaae kọleó dapó.

²⁴ Ẹtamo betà kutó ditere whịrape Mark, Aristarkus, Demas, Luk ai whịrape atimanékélé diapaae kọleó fo i dere ape.

²⁵ Tale Yesu Kerisoné ama hẹle hamokoroló tao sere ala wisinaale, naao kepe bete tuamó mulópóló yae.

Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105